



Warhaftige vnd Kurze Beschreibung der Nider- landen.



Niderland hat seinen Na-
me daher / weil es nach Hoch-
teutschland zu rechnē / etwas
nidriger gelegen / welches da-
rauß leichtlich abzunemen /
weil viel grosse Fluß vnd
Ström / als der Rhein / die
Maß / die Scheldt / die Wal-

Niederlands
Namen vnd
seine Grēze

vnd andere mehr / so auß den hohen Bergen ihren
Ursprung nemen / dardurch fließen / vnd endlich
alda in das Meer fallen. Es ist aber Niderlandt ge-
gen Nort oder Mitternacht mit dem Meer beschlos-
sen / an andern orten grenket es an die Graffschafft
Ostfriesland oder Embden vnd die Ems / an die
Herzogthumben Gülich vnd Clef / an das Stifft
Lüttich / vnd an die Erbstifft Cöln vnd Trier / an Lot-
tringen vnd Franckreich.

Dieses Niderlandt wirt gemeinlich getheilt in 17.
Prouinzen oder Landtschafft / derē seind 4. Herzog-
thumben / nemlich Brabant / Limburg / Lükseburg vñ
Geldern: acht Graffschafften / als Holand / Seelād /
Flandern / Artois / Heimegaw / Namē / Zutphen /
samt der Marggraffschafft des H. Reichs: vnd dan
fünff Herzogthummen / nemlich / Mecheln / Brecht /

Niederlän-
sche Prouin-
zen.